

青芝山館集

青芝山館集序

青芝山館集者臨川樂君元淑自署其所著詩文也

氣孤稟年甫踰冠卽以選拔貢生舉江西鄉試才名播天下
嗣而之京師游吳楚所至輒傾其勝流家貧甚奉母僑江淮
間東南諸大府虛左爭延致所居大都浩穰赫奕日周旋於
綺襦紈袴之中而元淑狷狹孤潔氣岸嚴冷矜慎片言而凜
取一介視脂韋洪忍事嫉之若讐惟殫精畢慮於詩古文詞
務追古人不傳之隱於高遐澗叟幽邃曠邈之區若愚公之
移山夸父之逐日不瘁其力不止旣以甘旨故不能自搏節
性不善治生又恥以生事累朋舊以是名益高交益廣而境
乃益困困則一以詩酒自解往往夜漏及四下則獨飲飲已
復握管以寫其高抗堙鬱之氣如是者數年而元淑病矣嚮

使元淑少貶其節逸其思則境不至困困亦不至病以死古所謂繁憂損人爲文傷命有如此者雖然元淑非行峻而道窮則必不能投跡高軌抗衡古著作之林然則元淑雖死而不死者固在也嗟乎士習之弊也立身行己旣尠能以聖賢自律降而爲辭章亦復不探古作者之源升其堂而躋其載徒媮爲一切與竝世之人較短長博時譽而已宜乎爲之者日衆而卓然有以自立者日希也若元淑者可以風矣余交元淑久同客邗上時卽以全集索余序諾之而未果今乃於其子少華所按錄而輯存之陳君曼生爲付剞劂以永其傳凡詩二十二卷文二卷詩餘三卷其造詣所臻芳臭氣澤所在識者自辨之而余獨持文行之說以質諸二三同志之知元淑者非敢爲竝世立言之士告亦姑以抒余挂劍之悲云

嘉慶二十有一年十二月望日鎮洋彭兆蓀序

青芝山館詩集總目

卷一 詩一百六十二首

卷二 詩一百二十三首

卷三 詩一百四十四首

卷四 詩一百三十四首

卷五 詩一百四十二首

卷六 詩九十八首

卷七 詩六十五首

卷八 詩一百四十八首

卷九 詩五十一首

卷十 詩六十一首

卷十一 詩七十五首

卷十二 詩九十首

卷十三 詩七十一首

卷十四 詩六十七首

卷十五 詩六十首

卷十六 詩一百三十二首

卷十七 詩一百二十二首

卷十八 詩一百二十首

卷十九 詩九十二首

卷二十 詩九十首

卷二十一 詩八十七首

卷二十二 詩一百九首

青芝山館詩集卷第一

臨川 樂 鈞 元淑

古今體詩

乾隆甲辰

陌上草

青青陌上草不逐春花老
蕩子去深閨佳人懷遠道
遠道入咸陽淡閨春日長
婉婉紅襟燕雙雙巢盡梁
門臨大隄曲垂柳毵毵綠
朝聞紫騮嘶暮見香車逐
紫騮垂玉鞭香車露翠鈿
相逢不相避相見還相憐
相憐復奈何相憶兩情多重門
白玉鑲曲室黃金梭松高蘿
蔦弱兩情空附託不見連枝花
一開復一落秦山高復高
渭水流滔滔緘愁寄錦字和怨吹
瓊簫庭下櫻桃樹是郎聽簫處
風動玉簾鉤鳴機織輕素

翡翠

久巢珠樹戲蘭苔
毛羽零星飾鬢翹
悞入網羅應莫悔
遭逢猶勝侍中貂

戲擬

夢影畱還滅
愁絲斷復連
花殘花蒂在
月缺月闌圓
繡蝶雲屏裏
聽鶯小閣前
芙蓉太遲暮
先自采荷錢

折楊柳

銷魂橋上銷魂樹
往時女伴踏青處
一聲啼鳥東風生
弱絮柔絲動無數
絮飛絲亂傷我情
今日果送行人行
欲行未行腸斷絕
手折柳條贈郎別
郎別何時卻復還
柳條依舊待郎折
春波激灑浦陵東
新綠裊裊縈殘紅
殘紅泛波不得住
春來春去柳條中
柳條中高樓下
何處王孫來繫馬
料爾聞人

亦斷腸樓前亦有垂柳長柳邊繫馬未歸客恐是儂家遊冶
郎

郡城踏春二十四韻

年少宜芳序春淡始獨遊雲凌清曉豁雨併積寒收井竿粉
榆茂郊垆薺麥稠柳萸交廣陌蘅杜帶中洲水關南湖近山
濃北郭幽民淳少裙屐地曠絕軒輶竹瓦耕田宅椶棚賣酒
樓提籠桑婦語橫笛牧童謳稍出籜筴外遙通畧約頭野棠
叢亂蝶文藻戲輕儵牆矮塗青粉檐虛寫碧油漿從旁舍乞
句向左扉畱倘恍疑重到低侗不自由細桃迎日媚翠蔓引
風柔許史紛儀從田彭盛侶儔車塵蒙綺縠衣佩響琅球昏
燭猶連夜嚴霜未覺秋簪纓俱宿草亭榭卽荒邱極樂非華
靡佳辰足泳游孤蹤翔大塊好夢入虛舟城鼓淵淵發邨煙

漢漢浮坐聞啼鳥喚行對落花愁興往仍紆鬱身閒頗謬悠
香梅峯上月今夕正如鉤

春蝶詞

綺閣殘香漬煙草綠梅紅蕙雪中老吹花擘柳風信乖闈人
倦繡羅鞞鞋桃葉纖長曳輕碧穿樹倉庚語如織五色雲衣
飄曉寒春魂入夢無消息

秋蝶詞

鯉魚風吹黃雀雨花魂抱香葬何許雕楹畫檻啼越女蕭蕭
絡緯煙中語轉轆不動秋千閒寒莎委石金爛斑微霜苦凋
豔陽節粉剝翠消心斷絕

和友人春暮過訪相約出遊之作

莫待春歸始送春落紅成雨又成塵東風漫作催花使南陌

稀逢門草人兩道危橋又燕尾一溪新水鰲魚鱗關心亦到
忘情客谷口來尋鄭子真

山齋四首

犬吠不到處捲簾空翠多遠風出蘭杜清氣在煙蘿拄笏雲
相媚調琴鳥欲歌桃花倚牆笑恍惚似黎渦
潑潑童心在髟髟壯髮長觀書慙卓犖玩世覺清狂醉拍烏
皮几慵眠鼠跡牀客來誰解事刺促話溫涼
垂帷偶習靜修景下高春樵牧歸淡柳精靈出古松心隨燈
影住夢與墨花濃未覺夜長短微微聞遠鐘
卻被山花惱閉門徙倚頻繁愁添宿病豔句續殘春雨細鶯
毛溼風低草態新時憐溪影動知有浣紗人

漫興

東風飄忽送春華。碧草紅泥路。總惹蔥翠園林新雨。暗昏黃樓閣。斷雲遮蟾蜍。何日方辭月。蝴蝶前身。恐是花。誰道琅邪爲情死。夢魂曾到西家。

奉寄曹進齋先生

童子軍可三千人。先生以我爲冠軍。雪中走謁汗流背。誇我文字能超羣。少小嬉遊廢誦讀。如今稍惜齋窗燭。何知出壑比清冰。幸得登山采良玉。先生政暇猶讀書。時呼一鶴舞庭除。溫言入酒如醍醐。歸來雲氣生衣裾。落拓平生感遇初。立身從此資師模。香淡色明花幾株。不是春風開得無。

散仙謠

獨立閨風風吹衣。三巾樽桑騎馬歸。星辰著胸粲可數。刀劍入手靈能飛。游戲市廛癡不語。素書質與當道女。萬里火光

驚醉眸當樓喚酒作神雨閩闔日射黃金鋪侍者衣懸五色
珠蒼麟赤鳳應節舞鈞天再奏開天厨未許琳堂侍曲宴姓
名空挂神仙傳屈曲世間今幾時跳身壺裏無人見曾向勾
漏求丹砂亦會聖石鍊黃芽雲中舊擲金桃核已發天台萬
樹花

橫秋閣 并序

閣爲宋太守謝公奕楸建在郡圃玉茗亭北久傾圮乾隆
甲辰太守平湖陳青柯先生重建於圃中圃卽古金柅園
也落成值郡試遂以命題

閩闔風清埽碧落賞秋頊上橫秋閣玉茗花翦賸野煙柅園
夜夜啼烏鵲舊址新平地幾弓風檐雪壁凌高空勝蹟一朝
還謝守秋聲五夜感歐公

太守別號夢歐

茶香試院鳴蟬靜笑聽洛

下諸生詠海底眠龍失大珠花中舞鳳當明鏡叢桂香殘木
葉稀遙想凭闌放眼時豪士蒼鷺衝日過仙人黃鶴帶雲飛
菊花有信開重九萬里秋光落杯酒欲飛長劍倚蓬萊更捲
疎簾納星斗崔巍東望是春臺春臺在
魏州東春來桃李滿城開四
時佳日都堪賞只愧登高作賦才

代人寄所思

東南日出見秦樓紅葉何曾泛御溝夢已蘅蕪香裏散人難
金鵲鏡中畱石榴半熟猶酸齒蓮子全乾亦喫喉悔飲君家
百花釀三年沈醉一生愁

郊外秋晴望雲林諸峯粲然可數

我家雲水鄉溪港束衣帶臨汝瀉長源潯陽合遙派郭東山
尤好遠色勝螺黛脈絡窮東南松嵐秀天外何物青蓮花亭

亭開上界認是雲林峯參差破煙靄中峯更尊嚴獨受羣山
拜頂如筆尖銳脊若劍鋒快屏幃層疊張旌旃左右對餘情
尚逶迤一氣自涵蓋岡巒跨邗州名勝紀前代秋高萬障徹
眼放八埏隘登躋雖無緣踴而得盡態會聞吳越閒邱壑多
堪畫地德海已佳人工或相敗亭臺金碧塗士女綺羅賽茲
山落吾郡高空得自在有若絕代姝修容屏妝戴又如逃世
人豈肯獨清介頗疑危宏文圖記侈神怪石靈雲自興天旱
雨當沛何必參龍僧金槃弄狡獪

殘雪

鷓鴣號猶急鵲鴿寒未歸庭梅風落盡一樹冷雲飛

乙巳

惆悵行

惆悵復惆悵未死情猶望願君爲月我爲雲青天碧海長相
傍長者箭曲者弓對面各左射一西復一東何況形勢本歧
異我爲墜露君飄風仲春時節如年少百鳥嬌歌萬花笑朱
顏絲鬢能幾何君家明鏡不同照百結愁腸君豈識聞君清
淚滴瑤席遙遙雨意不分明春水春山一色碧

雨中看桃花二首

日日窺人笑今日背人泣啼妝不可支強凭闌干立羸取倚
牆人垂垂衣袂溼

傍有青李花春姿亦綽約未開不解愁獨抱芳心落安得化
綺羅張空作帷幕

春郊

雨晴煙暖過春三溪上人家正浴蠶垂柳幾株飛翠碧野花

一色勝紅藍。綺縠看叟扶藜杖。山僻宜僧著草庵。認得屋梁
雙燕子。隨儂歸去話呢喃。

冶仙詞三十二首

光碧堂。淡月未高三千玉。女醉蟠桃。何人誇說崔婆酒可及。
瀛洲白玉膏。

金風輕拂絳河涼。鸞杼無心弄。七襄剪取妬羅雲。一片爲牽
牛製錦衣裳。

青雀低飛背彩霞。侍兒扶上紫鸞車。罡風只在珠簾外。吹落
飛瓊鬢上花。

白環瑤幹久成林。神籟蕭蕭響夜深。誰駕颺車浮弱水。細聽
花外落霞琴。

月殿清虛冷素娥。當時青桂已婆娑。天風吹下霓裳曲。傳與

梨園按譜詩

龍月城中罷宴歸，醉眠忘解六銖衣。
瑤臺一夜春寒峭，碧柰花前對雪飛。

簫聲嗚咽繞蓬山，何用金丹駐玉顏。
一霎秦樓荒草合，忍騎飛鳳到人間。

邏谷春風十里香，馬頭迎拜玉卮孃。
神仙亦有憐花癖，怪得南園蛺蝶忙。

金精山半紫雲多，石上千年石鼓歌。
紈扇光於金鵲鏡，至今閒得照青蛾。

珠幢翠葆過紛紛，微見交龍鬥鳳裙。
袖裏天花俄散盡，餘香猶作妙鬢雲。

身是梅花住九疑，仙心端不爲情癡。
羊權已隸東王籍，金玉

雙環卻贈誰

水佩輕搖杜若風明珠相贈入懷空
可憐神女都遊戲更賺襄王到夢中

芙蓉花發滿秋城白馬青驃向玉京
館主是仙何待說王郎一夢抵長生

香草種成都五色華蠶出後已三眠
生涯自有同功繭不借天公下禮錢

來時悄悄去恁恁頃刻琅玕斷碧空
北燭仙人腸斷久不應歸向紫蘭宮

畫長溪院共彈碁露溼門前玉樹枝
香氣從風通下界仙人原自要人知

倏燦雷鞭拂紫綃八方風雨夜迢迢
那知玉女招天笑投過

蓮花幾百驍

玉蕊院中香未歇
金莖花外語猶新
分明萬里消魂路
碧海青天思殺人

少入秦宮字玉姜
朱顏未改見秦亡
童男童女空浮海
柏子松脂那得嘗

金粟香濃夜色晴
繡襦甲帳起秋聲
仙人亦怕瓊臺冷
卻下西山看月明

帳角金鈴墮曉風
驚回塵夢了無蹤
劉郎莫歎朱顏杳
洞口桃花卽是儂

洛水波平暎霧開
飛鳧遙向鏡中來
神光恰許分明看
要盡陳思八斗才

年少非將狡獪誇
偶來擲米作丹砂
滄桑三變無人信
池裏

紅蓮放白花

斷愁已佩揮精劍悟道曾吞駐景丸
朱履一雙化爲石儘人持向繡牀看

三生石畔遇雲翹搗盡元霜鬢欲凋
仙侶也須人世物要將玉日到藍橋

碧玉闌干白玉墀青旛勿勿近花枝
星娥月姊長相過只避封家十八姨

偶隨鸞鶴下空山行過招靈一笑還
白燕未歸春夢遠玉釵遺落在人間

漫言金格姓名垂一撫雲璈已別離
空贈仙樞龍席訣爭教心死不相思

玉板金槌落九天何人臨水盜青蓮
佳期暗遣雙鬟代了卻

塵間一笑緣

被謫湘江十載餘青靈提挈上清都何緣卻憶包山客贈與
登真玉唾盃

神梨火棗勝金丹不與人間長史餐莫怨仙家無阜白早將
名字注仙壇

琪花瑤草空淒麗海雨天風自杳冥圖畫崑崙焉得似眼中
五岳失真形

誰遣

誰遣風簾下玉鉤薔薇嫋嫋覆牆頭醒經夢處還疑夢病憶
愁時更欲愁芳草未通攜手路遠山猶對畫眉樓生憎柳外
催歸鳥飛去飛來喚不休

占意

獨鳥巢幽樹，孤山媚夕陽。只餘春夢好，角枕繡鴛鴦。

墜釵歎

夢魂夜赴牂牁，微曉妝出禱黃陵。廟門前香霧雜紅埃，墜卻紫玉同心釵。顏羞步急了，未覺歸來懊恨摧。心懷此釵是郎聘，妾物鈿台貯藏加屈戍。食貧三歲不肯售，今日爲郎永拋失。郎歸釵去猶可爲釵去，知郎歸不歸。可憐鏡裏銜花燕，正傷它人鈿綵飛。

獵者謠

駿馬換雕弧，風鳴金僕姑。不因狐兔發，大澤有於菟。

丙午

雪後

雪後初開石谷蘭，玉妃新餌八瓊丹。東風吹袂無人見，自挾

雲和寶瑟彈

修月館作

幾日春雲暝研屏西窗無意讀元經
草過畫閣闌前綠山入妝臺鏡裏青
木筆花間吟思豔酒旗星落醉魂醒
長牋小蓋須酬蒼新繡鴛鴦且暫停

春書曲

細合獅負光如線狸奴夢醒辭香薦
牆角一枝黃牡丹風翻日炙無人見
黃金踟躕罷織絹低頭自弄虎魄釧
西鄰姊妹笑欵門來借桃花撲蝶扇

古怨

一紙軍書破百城羣公疊表賀昇平
長安少婦偏垂淚夢聽沙場鬼哭聲

夢醒

夢醒無人見，恍然生遠愁。一身猶自懶，萬事與誰謀。海日移松逕，山雲滿竹樓。鳴蟬聽不得，直是到涼秋。

讀史雜感

刪書斷自甲辰年，古史無徵或不傳。上世春秋曾十紀，今時運會尚中天。八荒孰與分河嶽，三變誰能辨海田。安得化人談至道，爲吾窮溯劫灰前。

瓜離豆剖裂金湯，南充東揚跨越強。割據封疆無樂土，英雄苗裔總降王。翻聞瑞燕誇元魏，晚見真龍出晉陽。貞觀幾年書政要，僅將刑措比成康。

火井無光劫運初，千年戎馬逐簪裾。老羸庚癸流亾盡，婦女丁壬燼蕩餘。禦盜至浮鵝，頭詔求賢早廢鵠。頭書兔園君子

同憂切時向糟邱一破除

誰遣蚩尤作五兵紛紛爭地復爭城無名師旅空屠戮有道
君王亦戰征百劫蟲沙消殺氣九天風鶴助悲聲羸顛劉蹶
嗟同盡依舊櫬槍午夜明

白茆黃土誓山河風急天潢水易波周室宗親分玉改漢家
封建耐金多桐圭不剪猶堪說豆釜相煎復奈何忍使黃臺
瓜蔓絕廢陵松柏有枝柯

空林雪後見松筠鐵骨冰心代幾人亂世有才多負國餘生
作賊爲全身李家累葉修降表馮道三朝列輔臣莫比良禽
誇擇木商辛雖暴有遺民

秦代長城比鐵牢漢家邊將復功高雁門幾日烽煙靖龍塞
連年士馬勞戰地秋風吹箠策離宮春酒醉蒲桃可憐猶恃

和親計落盡天朝使節旄

龍魚虎鼠轉移中莫道君臣際會同
亾國將軍常跋扈衰朝宰相獨尊崇
上方誰請朱雲劍司隸難逢鮑氏驄
高閣書生成底用無聊終日但書空

陰陽消息本相因璇室瑤臺禍最頻
漢殿垂簾由母后唐家當宁到才人
際天雲霧常爲雨得地鶯花易作春
不是傾城能喪國牝雞從古戒司晨

西黃南琛職貢全離宮別館跨山川
皇家豈論中人產富國還徵少府錢
三輔黃圖誇鞏固萬方黔首歎顛連
當時應笑神堯拙辛苦茅茨住百年

休論鶯鳥立垂枝螻蛄龍伸總片時
達似陶潛猶縱酒狂如李白只嗔詩
士甘貧賤寧無故才遇昇平那得奇
惟有姓名

懸日月英靈相見一軒眉

文苑儒林古戰場
幾人摧敗幾夷傷
沈埋寶劍騰秋氣
墮落明珠起夜光
三代典章猶闕失
百家著作易消亾
蝨魚應笑書生拙
辛苦讐書仰屋梁

從軍樂

玉帳弓刀躍金墉
鳥雀飛功成須一戰
馬上脫戎衣

豔情

小園三面綠闌干
日暮風輕綺袂寒
會見海棠花上蝶
燈前繡出與郎看

溪上晚涼二首

一片山雲蓄雨數聲牧笛從風
人在赤闌橋上水流白蕩花
中

漁船已無釣客野屋正有炊煙枝上露蟬相語沙頭一鷺如
仙

重遊百花洲二首

少小嬉遊處今來歎復驚
圃花殘有淚湖水澹無情
短夢橋邊影前塵壁上名
夕陽已愁絕不待感秋聲

蒲宦先人屈浮名此日求悲歌離酒肆生計羨漁舟鳥聽孤
兒語雲知老母愁蘇公應冷笑科第果榮不

丁未

花朝

城西野桃尋小紅山谷詩懷得暫同
今日花朝花盡落一羣
嬌鳥散東風

春暮

翠綠淡如海殲紅爛作泥一年春又過不待子規啼

江如怨

一聲玉篴驚鴻舞四萬宮娥色如土鬥茶猶許勝君王當時
恩寵何須數燕子飛來入漢宮班姬絨扇捐秋風願爲邢尹
不可得何能復與英皇同驪山絲篴聽難徹華清祕戲無人
說但聞肥婢常洗兒楊氏一門威燄熱猶憶諸王侍宴時履
珠脫綴心自悲連城不受織塵浣此意君王爭得知西閣偶
然承密旨紅日迴光暗中照官家轉側畏人聞那敢悲啼更
歡笑長門作賦倚何人樓東寂寂詠芳春愁來只共梅花語
又被東風吹作塵

卽事

草細苔淡路不通鶯啼燕語斷垣中洞天羊角迷長夜山月

蛾眉墮曉空買醉欲謀千日酒
次愁偏畏五更風夢中記戴
砑光帽一曲山香舞未終

桂宮曲

白鱗出遊朱雁飛天馬遠自流
沙歸文成五利奏天子行樂
千年可不死桂宮差峩接日
月杲恩霽雲光洞徹海中隱
躍見金闕霓旌絳節紛明滅
無人采藥登蓬萊神仙不到
通天臺茂陵秋風生古哀

山行

野水無聲去閉山著意尋雲
來松氣活雨過石痕淡信步
迷春草微生感候禽不須爾
絕處已慰出塵心

禽言

歸昌歸昌四海來王天下
今安寧壽考今無疆
主不聖臣不

哲戢文章老丹穴望榮光感休氣今來與世爲祥瑞
都護都護橫山斷渡戈旆焜煌馬嘶人怖奏凱歸來封萬戶
錦衣挂上山頭樹

同力同力高樹磐石下有蛇虺可啄而食千人一聲敵無堅
成

告天子將早朝列侍衛進臣僚紅日曈曈升絳霄

呢喃呢喃月過春三春三夏五風風雨雨華屋戕巽書舞夜
歌奈九秋何

莫損花花自好看花人應不老

阿哥阿嫂阿嫂在室阿哥在道阿哥不歸阿嫂何依

養蠶忙不梳妝郎炊飯妾采桑郎無事莫入房小兒啼尋阿

娘

摘桑看火桑枯猶可火焚則那蠶不熟無衣服火不戒燒我
屋莫煮酒莫焙茶朝看薰籠夜看燈花陌頭逢女伴歸去囑
鄰家

急急聒不急亦不聒儂有言君未達儂有心君不察

公公挂鈎春水東流大魚小魚見鈎而愁公平公平且復休
漁弟漁兄今白頭

甘蠶甘蠶無人挾彈無人張弓南山有虎中夜飲羽爾蠶則
苦

蘄州鬼忠義死忠義死報天子墓門之樹無斜枝魂歸來兮
樹上啼

情急了君未曉昨日少年今日老

剝剝卜卜西鄰積粟東鄰無屋西鄰笑東鄰哭

婆餅焦安知婆心如火燒借得百錢糴斗米作餅餅中雜糠
批餅焦稚子繞膝啼阿婆顧之雙淚垂

纒絲纒絲亂難治絲長有緒胡不尋爲

早栽早禾飢日無多爾遊而歌奈爾情何人家有田盡爲寶
爾家早禾變荒草

姑惡姑惡但得姑心樂不愁姑性虐

稽古稽古後甘前苦不見古人古事如觀燈昏眼合引錐刺
股博徒夜歸拍窗笑汝

看蠶娘子得幾許采桑織絹徒辛苦賣絹與郎還債主夜脫
破裙燈下補

春起也花盈盈春去也草青青

架架格格東方欲白負犁牽犢出南陌皇華驛前車軛軛朱

樓夜短燭光黑角枕香衾未轉側

大大水三百里米船不來米價起漫漫瀰瀰水漂我犁洶洶
漉漉水入我屋

脫卻布袴布袴已破倩人補翻箱倒篋無尺布

快掘快掘風吹地裂喉渴唇乾腹背熱下有井泉甘且冽
麥熟也哥哥田家歡樂多小麥作飯大麥作酒召鄉鄰享賓
友更拌十斛娶新婦新婦來歸麥化蠶飛

寒泉寒泉朔風怒號天欲暮兮雪欲飛投澗樹兮巢卑枝嗟
爾行人胡不歸

提壺盧沾郵沾今年米貴一斗不醉

把禾羅穀禾黃穀熟七月八月朝魚暮肉四月五月兒啼女
哭

泥滑滑爾擔犁我荷鋤爾耕我鋤行人在途跌倒泥中無人相扶

搗藥搗藥金石草木九咽之氣無人服仙客雲中跨黃鵠
行不得也哥哥雪滿天冰塞河短衣負篋身屢蹉何人披裘
騎馬過馬後還隨雙橐駝

咄咄怪南陽第宅何時壞屋上瓦當牆上甎有人拆向街頭
賣

咄咄噴噴朝屋南暮屋北屋中之人何所求裹糧跨馬遊幽
州

鶉鴝鳴聲嗚嗚大姑無完裙小姑無破襦阿嫂揩眼出中廚
飢腸括括鳴轆轤縣中小吏來索遺籬下雞雛待雞哺殺雞
享吏吏猶怒

不如歸去歸去不得不如且住茆屋三間在何處千山萬水
來時路

得過且過忍寒禁餓急景嚴霜羽毛摧挫往時鳳皇不如我

卽目

石竹埽晴霞金鶯語落花溶溶溪水動流恨入誰家

康樂翻經臺故址

卽今臨川縣學舍

寶應南朝寺繙經舊有臺儒關停暮鼓淨土落秋槐成佛三
生業驚人一斗才青山滿城闕著屐更誰來

曉妝曲

樓角紅梅送香影銀蒜搖風尤不定悄收明月貯虛匳朝來
化作青銅鏡粧粉胭脂勻未消波斯蛾綠輕淺描同心綰就
流蘇髻斜插雙鳳金翠翹百舌調簧繞芳樹裙長袖廣迴身

顧游絲一尺漾遠晴畫屏妖女秋波明拔釵戲打催花鼓驚
醒寒籠睡鸚鵡

晚妝曲

綠雲滿梳香澤膩畫眠鴛枕落釧翠下簾雙燕早歸來珠花
一朵開鏡臺臉邊薄暈小桃色頃向斜陽新看得龍檀燭奴
擎桂膏無人偷近承雲側銅葉錚錚漏初動禿衿小袖宵寒
重明璫欲解意遲迴試帶華妝入春夢

獨立

獨立衣裳冷西風如此寒少年將老大知己各悲歡藥向何
山采琴思過海彈菊花自榮豔不問九秋闌

戊申

春

春氣融融似太平
啞禽能語病芽生
飛花莫怨風和雨
猶勝窮秋日日晴

寒食後二日卽目

止酒過寒食和煙出小邨
乍晴花掩淚將暝柳銷魂
山勢隨雲改溪流帶雨渾
野情無處著歸自倚籬門

雜興九首

邯鄲了一生未熟黃梁飯
石室看殘碁斧柯亦已爛
久暫何絕懸短長定誰算
盆水鏡空月暗中自流換
不夢亦不仙千齡委達觀
頑鐵熱可鎔堅冰寒不泮
秋點鳴丁丁人間方夜半

欲尋素心人萬里詎云遠
浮舟海水昏驅轂山石很
西鄰有韶女顏色桃花淺
時聞繡戶開每見珠簾捲
芳愁豈無屬密

意會莫展萍藻散春流楓梧老秋苑

盆花與籠鳥生趣何迫蹙雲山本高空人力苦拘束扶桑指
天門神鼇轉地軸物大誰能閑身微乃見蕃朝爲東山遊暮
向西園矚化機殊自然會心隨所觸萬類同兩間豈會逃耳
目

佳人望秋雲明月照眉嬾人間信寡歡天上良復苦銀河無
風浪牛女寧自阻陰陽不變化間隔成終古殊根四時花異
色五方土吁嗟邯鄲倡遠嫁瞿塘賈

華堂坐茵褥焉識行者疲瓊筵列鼎俎豈憶飢人飢命途有
差等苦業終轉移鄧通絕粒死司馬乘傳馳春花滿芳樹秋
葉辭高枝雪霜非暴物風雨無常期

海潮不到處鹽鹵出池井白日窮寒門燭龍光耀炳天意無

方隅人心苦畦町貧富不相資智愚各自逞九州殊卑高四
序遞炎冷瑞錦成灰煙腐草生光炯飛黃奔絕塵臨水焉得
騁

穴藏先知雨巢居先知風物靈人或昧豈足爲盲聾猛虎落
陷穽鸞鳥歸條籠物愚人自巧豈足矜明聰握雲層岩上捉
月清澗中儼然是虛幻亦可給兒童聖人師萬物神智真无
窮

鸞鶴在雛鷺霄漢能翱翔三年鍛羽翻百鳥皆失望筦庫待
文子舍人依孟嘗得時良所願失志徒自傷薦蘿欲相附松
柏曾不長一飯千金報問風心激昂

高岸積衆流直幹屈羣枉志士爲長嗟側身久俯仰氣搖銀
海波骨峙銅仙掌垂首入樊籠策足向塵坱雖邀翡翠憐終

待驪驪賞殊恩，豈羅衣與寵非。
珠幌西施有黃金，只鑄鴟尾像。

廢圃

草蔓花無色，桑枯鳥亂號。
百年留廢圃，一沼瀉前溪。
過客穿苔徑，鄰翁賣菜畦。
誰家金盞宅，遙映綠楊西。

野塘

一片清涼地，遮雲得古槐。
久晴龍亦懶，侵曉鷺先來。
蓮葉迎風捲，菱花背日開。
何人還肯到，相與濯塵埃。

長城曲

六國軍鋒盡，秦皇未損兵。
誰知征戰士，畱骨葬長城。

秋思

草短蟬聲急，松高鶴夢涼。
好花秋總淡，奇石晚逾蒼。
獨立迎

新月餘愁付夕陽何當招隱士空對碧山長

同友人酒樓作

野鳥相呼醉秋色君傾蕉葉我浮白酒樓
三而水雲寬城影山光墮樓側世間誰醉復誰醒
屈平豈必笑劉伶金貂解去
渾閑事季鷹亦有身後名

南昌道中

秋色空迎薄笨車歸心冉冉逐煙霞鷺浴處風初冷鴻雁
飛時日易斜紅雨滿山烏相樹白雲浮水紫菱花此間惜少
詩人住竹屋茅廬四五家

己酉

閩人早春二十韻

繡榻郎先起羅衣婢正烘鏡光金匱匣簾響玉玲瓏寶鏡低

囊貫明璫側耳充雙鴛銜帶結小鳳啄鞵弓錦地璣瑜皴瑤
窗屈戍通雪消瑤砌溼雲入畫廊空凭檻迎新霽懷香佇暎
風嫩愁鶯語外芳意草痕中盆柏疎敲翠瓶花碎隕紅蕉心
猶裏札筍甲未抽箭筈纏蛛絲密箏排雁柱工遲迴揜廣袖
宛轉出織蔥墜瓦驚行雀流丸逐去鴻年華真錦綺春色盡
房櫳陌上塵方軟溪頭凍已融醉輿珠飾幃遊騎綠搖駿竹
暗湘娥廟煙凌斗母宮踏青蓋獨往拾翠與誰同洛女門剛
對施家宅在東來朝應踐約不寐倚熏籠

枯魚過河泣

枯魚過河泣再生勿復入東海行揚塵蛟龍無處蟄

白雲峯精舍雜詩五首

雲垂銅斗東雨暗金蟬北風色來冥冥松聲久瑟瑟石磴罷

臨眺花宮念道灰
牧子下山遲爾牛歸不得

朝采蒲中菌
蔞林下笱木根
時可燒斗酒
幸未盡雲來現
花溼日出琴絲緊
入世笑支公
猶言買山隱

讀易師伍喬
歌詩慕李白
蘿影上衣巾
苔花接几席
俗賓殊不干
佳日澹將夕
臨池忽有會
投竿釣銀鱖

樹喧常覺風石潤
乍疑雨孟夏寒猶春
微陰暝當午拾薪有
羣兒禮佛來邨女
牆頭月季花
往往遭折取

山花不知名
嬌比春海棠
山鳥相和語
宛如雙鴛鴦
閒行窮石態
久坐聞天香
俯見行人小
悟余居上方

醉歌行

袖中一笏險麋墨
磨於盾鼻能殺賊
才高沈謝彼何人
弄月嘲風到頭白
蛾眉猶挽雌黃弓
采韡錦襖馳飛龍
書生豈無

好身手森魚飽死繚囊中矛戟森森稱武庫誰憐一劍無揮
處醉中奇氣颺飛騰試研千年老桑樹溟海東南浪拍天鯨
鯢潰沫蛟流涎蒲邱飲飛不得渡乃知壯士輪神仙杲杲鬱
華忽西匿少年意氣嗟何益君不見畱侯終從赤松遊穀城
山下尋黃石

初夏自白雲峯歸

未信春歸去還家問草堂新鷲楊柳綠小蝶菜花黃挈榼
醪醖窺園野興狂山桃前歲種已是比人長

同居

同居異志豈相謀笑我無心似白鷗元載求官憑鼠目管寧
割席爲龍頭奴耽懶惰常逃事病愛清涼卻畏秋眞長幸能
憐仲祖每因稱藥過南樓

南昌旅次病起

夢踏空煙去西風吹復回
生涯葵扇影心事藥爐灰
月送微涼至花迎晚霽開
稍能消惱熱恰有故人來

寄陳象門

奎

臥病秋風裏思君不見君
酒懷今索莫詩課尚辛勤
湖月清於水山松淡入雲
登樓時獨望過鴈各成羣

登滕王閣憶郡中前歲同遊諸子

白練橫拖秋漠漠風捲江聲入
高閣片雲飛過鬱孤臺
千帆直沒潯陽郭故人會此共
登高紅蓼丹楓醉濁醪
散手月明霜落裏
客窗分枕聽寒濤

短歌示親舊

適來偶被微名縛病軀臥對秋屏閣
一息如絲斷卽休不圖

更有生還樂老親悲喜謝神佛少婦驚疑問湯藥鳩形鶴骨
苦支離只餘豪氣猶騰躍去時徂暑歸隆冬寒雲覆水舟翔
風一日一夜二百里狂歌徑欲驂虬龍殺雞買魚事烹餽遍
召親朋十日飲雪花簌簌燈焰昏倒藉糟牀杯作枕人生醉
死寧不歡鴻毛泰豨當齊觀只須鬼伯相催促富貴方炎骨
自寒

青芝山館詩集卷第二

臨川 樂 鈞 元淑

古今體詩

庚戌

書漢書黃霸傳後

清時吏道純治世民風質守令誠循良才能卽輔弼西漢紀
治行潁川稱第一教化既有徵休祥豈亾實於時漢中葉文
綱頗嚴密天子尚酷吏公卿事刀筆使君明治源刑罰獨矜
恤遠遵蕭相法盡變張湯律主德況仁明民生自寧壹詔謂
太守賢股肱佐王室治道去泰甚紀綱慎統帥坐論若無爲
相職固已畢豈如親民官考課計得失誰爲論功名損於治
郡日大器隨所用名臣不世出三公比胥徒百事成牽率牛

喘復誰問同聲笑丙吉

哭亾女棠妮

我生當幾年男女聯翩舉自覺塵障淡憐男復憐女男今已
四齡女尚未離乳時常索耶抱憨笑解言語語笑忽以乖乘
耶就黃土當汝初病時其醫汝外祖卽言不可治兩日氣如
縷艱難購紫葳於法當小愈服之轉氣絕藥物豈誤汝或云
索負來待此爲償補嬰妮襁褓中飽受諸煩苦我雖萬金耗
汝得在何許斯言良汝謔念汝益悲楚斂汝故衣裙棄汝殘
餅脯戲具盡焚燒汝魂可攜取

將之京師奉別族叔松巖先生

十載孤貧身不死先生於我猶父子千載商量心不孤先生
許我爲門徒先生自樂林泉老勸我遠上長安道稔期萬里

山頭雲蹤跡一朝天際鳥昨過南邨舊講堂手栽花竹高出
牆下有幾叢書帶草上有一片紅斜陽夜來離夢入煙霧十
二層城在何處可憐遇合期空虛風馬雲車總迷路觀經逐
隊向鴻都先生知我無遠圖甚愁人事多乖迂願託南鴻數
寄書

出門

出門計已決三日天寒陰上堂告慈母涕泗俱涔涔長兄爲
我行對酒不復斟山妻爲我行制淚囊書琴小兒索餌啼竟
日聲欲瘖芳草綠滿路鷓鴣啼園林別家無一時已判昔與
今近事成恍惚遠事時追尋徒聞才傑士銳意希纓簪西笑
復何有空傷遊子心

皇華亭別外舅王癡山先生道中卻寄

莽莽浮雲東北起，飄飄柳花落溝水。公歸我去更無言，車輪一轉卽千里。五步十步各回顧，一里兩里生塵霧。焉得樵人知我心，一時伐盡南山樹。

安仁道中

山頂雲都白，山坳花自紅。眼新離別後，春老路途。中日暮鳩呼雨，天寒燕避風。隔溪招渡急，行子各怱怱。

重過貴溪學舍時方改作

峩峩藐姑山，濼濼蕪溪水。城頭風景尚如此，紅牆剝落莓苔紫。紫薇兩株一株死，廣文官舍孔席側。瓦甃成堆棟梁墟，依稀記得兒嬉處。竹筵花籬板扉隔，捉蝶承蜩叫且舞。草間蚱蟬如風雨，當時樂事徒癡頑。此日孤蹤劇愁苦，先公高步安冷官。身後故物青廛寒，十八年來等夢寐。鄉關回首雲漫漫。

白頭門吏不相識坐我中庭舊磐石

弋陽

暮至弋陽溪孤城夕照低歸雲何處盡三十二峯西

望靈山

靈山不愧名雲霧佐奇幻地肺千葉張天衣五色爛青蓮
廬阜樹翠落洋寧岸峯情面面同石態層層換瑤草非世芳
胡麻是仙飯丹邱定相接元籙難脩篡道家方競誇儒者固
疑誕山來五嶽尊特與三山判秀宜鍾英傑險亦資雄幹萬
物不虛生九陔靡空觀含笑問山靈斯言匪河漢

贛信道中

野店衝雲出新晴共鳥知煙過寒食暝山入信州奇細草眠
畔具疎花露酒旗停車吟望久忘卻是天涯

衢州樟樹將軍歌

相傳明太祖嘗避兵樹上
定鼎後封樹爲將軍云

將軍勝國老樟樹明祖避兵樹高處衣錦江干三百年枝條
盤屈生雲霧此事有無吾不知野人傳說行人疑冰合溇沱
鳩覆井眞王不死良有之吁嗟乎五大夫松受封拜秦璽久
亾松尚在將軍身老心未枯開國功名終一代人事衰榮遜
草木胡黨藍黨遭殺戮西市拋骸三萬人功臣地下齊聲哭

蘭谿打槩詞

蘭山影娟娟越女棹蘭船輕風吹蕙帶細雨溼花鈿輕風復
細雨問郎向何處對岸是平沙沙寒郎莫渡紅樹柳邊疎中
流喚賣魚買魚須買酒酒瓶在儂手

釣臺

天不容人竟隱淪買山何處絕紅塵巢由未許逃名姓況復

君王是故人

錢唐懷古四首

羅平妖鳥逐風翔
符命何曾屬董昌
四世金甌吳大帝
他生黃屋宋康王
遊春陌上花空老
衣錦山頭樹亦僵
一種江南亾國恨
表忠碑下獨傍徨

眼裏吳山突兀存
中興舊事那堪論
浮江龍馬偏安局
酹酒風灰二帝魂
寇敵披猖將盡朝
廷卑小詔臣尊
西湖獨有傷心處
柏樹南枝拱墓門

閻馬丁當國勢亾
宮中排當夜偏長
梅花已插元臣擔
蟋蟀方籠宰相堂
有信江潮連日爽
無情海浪倚風狂
鳳山王氣仍消歇
空把臨安作汴梁

南城戈甲起中宵
東市冤霜白日飄
兩帝辱同鸚鵡識
尸臣

哀感鶯鶯謠衛侯反國仇元叟武孟論功寵豎貂熱血一腔
空灑盡精魂長對浙江潮

西湖曲

儂試踏青鞵君乘搖碧齋金罐灑塵開水路紗籠更引鈿車
來儂擎橄欖茶君擘牡丹餅門外東風妬冷遊時時吹亂桃
花影遊女折花花滿身花神廟裏拜花神花神睇花嬌欲語
前身卽是遊湖女遊湖女曉妝靚畫眉樓倚西湖濱山是黛
螺湖是鏡繡旗拂拂搖秋千粉雲霏霏隨管絃半道相逢多
姊妹隔堤相望比神仙綠楊稀處調鶯燕似恐蕭郎看不見
蓋頭不用紫羅巾障面不須白團扇南峯北峯斜照紫長橋
短橋月未起將軍催鑊錢唐門十里香塵散煙水處土亭前
鶴不歸平章閣外鴉亂飛此時賸有狂歌客獨斂歡門浮大

白

過太湖

三萬六千頃容愁飛滿湖浪花浮笠澤雲氣溼姑蘇斷戟沈
沙盡扁舟共燕孤洞庭青未了何處問勾吳

舟中望見蘇州

一橋低鎖太湖雲樹裏新鷺兩岸聞金碧樓臺三十里畫圖
須倩李將軍

五人墓

委鬼當頭日月昏當時直道在斯民恨無兵力誅常侍忍見
碑名刻黨人并命更逾三士勇論功應與五王均幾堆俠骨
山塘路地下要離敢卜鄰

京口渡江

金輪飛出海門圓盡見淮揚以北天啓榼慢嘗京口酒揮豪
遙蘸秣陵煙山擎樓閣遮迴岸浪擁龜蠹避過船却憶孫吳
年少客風流已在永嘉前

柳枝詞

御河如帶柳堤斜楊樹楊花繞妾家但願郎身似楊樹莫猜
儂性似楊花

淮安八韻

碧草南來盡黃雲北望多萬家低到海一郡險當河轉漕艱
牛運司關密烏羅華旗高自颺巨艦蹙相摩廟說元王在墳
疑漂母訛鉢山杏笙鶴娑樹失煙蘿古蹟消吟蓋生涯羨釣
蓑射湖春水闊綠處是新荷

雨中到邳州

樹杪朝陽散馬蹏油雲如幕四天垂野田一路無邨郭風雨
隨人到下邳

邳州夜發

雨後纖雲白脂車趁夜晴星多泥更爛樹暗馬頻驚破夢殘
燈色傳愁碎鼓聲圯橋無問處前路正雞鳴

經荀卿墓

荀卿嘗著書李斯乃焚書荀卿嘗好儒李斯乃坑儒李斯仇
荀卿乃是荀卿徒大匠不琢不材木入室操戈勢何蹙當時
幸已死蘭陵不然詎免葬劍谷吾聞祖龍敢戕闕里樹此地
乃有荀卿墓

過王彥章墓

椒蘭殿前赤草荒卜郊還弒濟陰王朱三老賊死萬段忠義

乃有王鐵槍沙陀夾寨臨河鏢鄆州傳箭急星火老奴韉繩
哭入宮非用彥章事不可昏朝豈復論功勛內有讒人外貳
臣以笏畫地嗟何益羣邪去爾如摧薪中都一戰等兒戲閨
運已屬同光帝平生每輕門雞兒今日方知李亞次人當死
名豹死皮朝梁暮晉臣羞爲墓門疾風吹勁草想見躍馬橫
槍時可憐裴約劉仁贍死節與君同一傳君不見僞國忠臣
亂世才劉宋亦生袁景倩

過汶上縣懷故臨川令尹曹進齋先生

野色暮蒼蒼驅車過汶陽路人無舊識墳樹鬱何鄉
敝邑遺碑在前程古道長感恩殊未報中夜淚千行

東阿項王墓

不帝而王列本紀後世紛紛議遷史大王五體皆封侯豈滅

亭長作天子手裂秦地分侯王自著錦衣還故鄉鴻溝旣割
卽掉臂公之過信誠天亾東城殘兵廿八騎終視漢軍等兒
戲曠目一叱千人驚九頭草木猶生氣往時老姬哭澤中當
道白蛇疑是公劍光已奪精符去百戰百勝無成功寧死不
肯歸江東談笑割頭付馬童滎陽紀信假黃屋劉季反覺非
英雄穀城亂山衝落日眼裏孤墳勢猶崒山風悲似楚歌聲
毅魄應騎騅馬出

虞美人歌

咸陽宮殿成焦土戰馬分馳六國女漢王置酒彭城宮蛾眉
歌舞爭春風項王悲歌泣垓下獨有虞兮共駿馬英雄爲爾
喚奈何豈是尋常傾國者項王當日無親臣亞父而外惟美
人芳魂化作原草綠上有鴟血紅千春君不見娥姁昔陷楚

軍裏忍辱偷生曾不恥君不見鴻鵠高飛舉千里楚歌楚舞
淚如水行人莫弔嗟虞墩嗟虞墩在定遠縣南長陵永巷秋煙昏

麥秋謠

四月南風吹麥香小麥青青大麥黃東邨新婦晨炊罷腰鎌
來助阿壻忙今年麥熟去年荒去年逋賦今年償得麥十斛
莫上倉明晨有吏來催糧

過董江都故宅遺址十六韻

昔讀儒林傳今過董學邨庭階芳草沒碑字古苔昏地表樂
公社名高謝傅墩懷才包宙合應運出乾坤一貫心應契羣
儒舌可捫天人三策偉道誼兩言尊武帝初求治文臣盛建
元傾邪逢主父貴顯讓公孫海上神仙妄宮中巫蠱冤賢良
雕見舉姦佞乃承恩瑞氣無膏露盲風化血痕驕盈方敗德

災異付空言王佐遭時舍遺編與道存河汾衍流派濂洛借
淵源舊籍銷秦火斯人繼孔門昌黎尋墜緒何事不追論

白溝河懷古三十韻

一水分平野單車碾大橋日低沙氣白雷怒石聲驚鎮特雄
瀛漠疆曾畫宋遼邦畿當孔道邊事憶前朝地自兒皇獻兵
惟耶律驍牽羊隨太后磔犬對羣僚打草千邨哭焚桑萬室
焦騎魂傷雪凍豔骨逐風飄漢主仍尊柺燕王尚賜貂三關
雖返壁八部自揚鑣點檢袍初換封樁庫未饒偏方俱殄滅
窮塞獨矜驕上將軍猶挫中原幣屢要鴻溝楚人割銅柱漢
家標斥堠閑秋戍疆場靜夜刁相持看蚌鵝議後怵螭蝮釁
乃師臣啓功由媪相邀頓忘脣齒懼不悟虎狼招海上盟何
有河東勢早搖六州甘巨餌七廟毀狂粟岸草民膏溼河流

戰血漂快心賓鐵壞轉瞬大金銷閭位碁爭劫雄圖博賽梟
強梁誠莫制運數特難料陵谷經三變楸梧歎幾凋烽煙今
久熄甲冑昔空敷驛館容巢燕遊人敢射鵠淤泥埋斷戟古
隴臥閒釜黯黯收梅雨瓦瓦見黍苗桺條無限綠轅馬暮蕭
蕭

望 太液池

衛士冰嬉處涼雲護瑣闌鳳皇花外舞鷗鷺鏡中飛柳色飄
絢扇荷香染葛衣無因化黃鵠戢翼待

鸞旂

小市

大賈通舟車中賈列肆居小賈力負販長呼繞街衢咄哉小
市賈執業尤區區孳孳雞鳴起厥候神農殊紛紜列星貨刺

促甘泥塗銀盃出臧獲金盃來邱墟釵鈿拾道路環珮解衣
裾或持同舍袴或竊鄰人鈇或賣樂昌鏡或嚮中郎書楚人
誰得弓鄭客偶還珠蠟鞭旣售詐燕石還欺愚駟徒操左券
市正收私租嗟此失業民恃爲衣食圖可嗤仍可憫焉用窮
根株獨歎消息理輾轉如轆轤赫赫五陵豪鶻衣啼路隅平
泉富木石有力負之趨我我晉公第竟屬督役奴滄桑閱銅
狄子母悲青蚨懷璧豈無罪竊鉤原有誅多財懼厚亾苟得
尤可虞達人芥千金愚者營錙銖龍斷左右望此曹何地無
病熱少閒枕上作

井梧蕭瑟戰窗陰竹枕藤牀冷不禁病骨知秋如鶴警愁歌
永夜和蛩啞紫花梨好曾消熱素葉瓜寒可鎮心贏得此身
猶健在白雲滄海任升沈

病起書懷

吳楚天遙旅鴈稀
梁園病客最思歸
層城不鎖江湖夢
孤館誰縫薜荔衣
人與鬼神爭起伏
氣如煙雨尚霏微
中秋忽過重陽近
孤負東籬把菊肥

卽事

六州難鑄錯一字
竟吹毛命蹇詩猶厄
途窮酒益豪公卿非
白眼身世自青袍
不作扶桑賦平生嗜楚騷

九日

秋氣侵人骨
天涯賸此身
驚心霜信早
照眼菊花新
失路逢佳節
登高念老親
京華行樂地
遊子莫酸辛

作家書附一絕句

來當李白桃紅日
歸約橙黃橘綠時
淚灑西風人未見
鄉心

只有去鴻知

奉寄松巖先生三首

諸生業未竟忝舉明經科封軺卽

皇路北度盧溝河仰瞻丹鳳闕星斗光駢羅擾擾羣仙人抗
聲雲際歌聳身雖莫上意氣爲嵯峨良工采衆玉瑕玼嚴琢
磨朝爲楚國寶莫棄昆山阿細思亦無恨倖進當如何所嗟
舊業廢年歲徒蹉跎

十六遊師門爲文不成篇二十迫人事書鐙無暇燃性姿又
頑情嗜酒耽酣眠夫子乃寬假百端隨所便方寸一浩蕩若
魚游長川操觚恣描畫枯木生雲煙稱嗟不去口愛甚忘其
偏春草復秋花追隨會五年碧山照顏色松竹皆欲仙道祖
師范公弱齡志林泉黑頭自足貴何必資貂蟬

九月天驟寒十月堅冰至漠北羔羊裘不禁朔風厲一病成
今吾所餘但客氣讀史心不平悲歌擊如意同居四五人旦
夕相娛慰揮盃餞流雲焉得共長醉孤眠中夜醒暗鼠銜鏡
穗歲暮干林凋益松黯寒翠

奉寄王癡山先生

殘春已盡江南道四月燕郊見新草西風又入昭王臺碧梧
凋謝黃花老袖裏短笛吹無聲牀頭孤劍寒不鳴買觴欲呼
郭解飲騎馬常避秦宮行昔時意氣凌霄漢願依日月分光
粲紫館丹梯萬丈高青天碧海一朝判臨行記宿先生家酌
我別酒濃如霞庭前正舞刷翎鶴林外亦飛銜尾鴉高節榮
名兩成誤夢中宛轉尋歸路細雨能肥西塞魚斜暉空滿東
臯樹白雲峯頭舊草堂猿鳥相思應未忘但恐山靈謝逋客

不羞天壤有王郎

寄內子二首

淡悔秦嘉上計非白雲何處是親聞
長江又隔三千里截竹生魚寄不歸

春風吹斷別時腸

內子

轉眼金臺見雪霜帶得羊裘猶未典

不須搗練寄衣裳

送吳茗香同年

崑崙

出都之解州

跼促鹽車千里驥遷延虞坂七重山
今君亦負權奇骨到此應傷憔悴顏
莫逐浮雲遊鴈塞且先飛雪度蒲關
上林桃李春風近待爾看花及蚤還

十一月二十一日宋澹思進士

鳴珂

二十梅花草堂

消寒第一集毋戰聯句同集者羅兩峯山人

聘王葑

叮給諫

友亮

甘西園

立獻

周載軒

厚轅

兩太史陸杉

石儀曹

元鑑

周希甫舍人

有聲

胡黃海明經

翔雲

宋

雲墅儀曹

鳴琦

文謙開兵廚

聘

高齋呵凍視主人呼雪來

厚轅

鴛子斲冰餈

渴翻酒池倒

鳴珂

笑索梅輔倩鈎藏疑用機

立獻

拇列歛同

戰兩軍分火荼

友亮

竝櫓交組練初如彌伍承

翔雲

忽覺繞

百鍊一指豎天龍

鈞

羣呶震梁燕爭雄壘新立

鳴琦

作氣馬

母殿破陣驚錢唐

元鑑

徵鼻輸紀獻排籤儼堅城

有聲

撒手

激傳箭駢須虞漏師

聘

屈或張空拳幸非舟中掬

厚轅

請以

肘後見肉薄左右孟

鳴珂

肱麾百六椽握淡矜透爪

立獻

持

久防唾面拳嘲李陽毒

友亮

舌逞張儀變拂拂氣益盈

翔雲

持

僊僊舞無倦旅酬訝鯨吞

鈞

眾舉怪釐扑動若持螯

鳴琦

持

靜若揮羽扇捷若騰白猿元鉉織若走紅線頭若屹山嶽有

聲目若閃巖電石心八陣轉聘燭影五花旋預防虛聲奪厚

曠隱休他人先羅紋往來織鳴珂布算迴環便息以息相吹

立獻肩及肩遮嬪支撐賈餘勇友亮牽率結強援勢難長短

齊翔雲顧判東西眷迴思門羣螳鈞良夜閉淡院奪幟宛在

斯鳴琦執耳疇不羨戲書勛九伐元鉉好擘牋數片必也君

子爭有聲庶幾嘉賓宴聘

澹思進士杜陵春院本題詞

樂府爭傳太白狂杜陵野老又登場詞人每愛談天寶水綠

山青易斷腸

澆愁還借八仙歌雲夢胸中作酒波我合傷心君合笑詩人

從古不登科

偶吟戲蝶與嬌鶯黃四孃家寄遠情遂使浣花添本事紅牙
重譜豔歌聲

消寒第二集題消寒圖三首以題爲韻

風信初來暝尚遙客寒同借酒盃消一分花事三分雪畱與
詩人次弟描

冷蕊疎枝水墨乾宮梅正暝野梅寒故園驛路三千里籬落
何年放眼看

月地雲階影不孤尋詩得句笑相呼他時合有傳神手續寫
仙宗十友圖

題羅兩峯鬼趣圖二首

聚窟神香那得焚九幽甘露更無門尺繳替寫陳人照攝入
豪端便返魂

空山殘月夜窗風扇手
叉頭戲惱公儻過南方逢赤郭羣魔
齊避書函中

消寒弟三集傳壺歌

燭奴避席立四角甌宰無言典斟樂人各有手壺有腳壺到
客前自斟酌壺來不疎亦不數酒量淺深視鑿落前者毋推
後毋卻有如流水赴羣壑賓之初筵中此約強項不遵罰三
爵庭前積雪消紅爐解裘脫帽喉嚨籠籠漸違格令愆儀模一
客奮袂登牀呼左手執爵右提壺自言飲可三百觚唐花照
眼紅模糊玉山忽倒無人扶四座大笑渠非我輩飲酒真
酒徒

消寒弟四集咏都中古蹟八首

法源寺輒埕

相傳安祿山史
思明建今不存

豬龍翮鳥犯天弧京觀哀邱萬骨枯未信三摩畱淨土何勞
七級造浮圖鼓鳴早兆孫恩亂鈴語終徵石勒殂夜半樂聲
誰聽得遺基時有餓鶯呼

六醫院銅人

在署內藥王廟作於宋天聖時
長安客話謂從海湧出殆非也

引繩圍土不堅牢那及銅仙歲月高能與衆生同疾病寧愁
二豎在肯膏銘殊周廟三緘口貌似黃翁五代毛壽世良工
心特苦莫疑捧劍出波濤

報國寺窯變觀音

像高尺餘寶冠綠帔手捧
梵字輪奐云得之窯變

一尊長現女人身綠帔珠冠妙相眞團土依然離火宅拈花
自在轉金輪丹霞木佛燒無礙紫竹蓮龕幻有因幾許茶毘
僧坐化袈裟猶自未離塵

潭柘寺妙嚴公主拜軀

公主元世祖女削髮居寺
中持觀音文禮大士拜痕

入觀額手足五體皆印歲久軌壞獨兩足痕
存萬曆壬辰孝定太后匝取入覽薰之紫柏

前身應是散花仙古寺猶存拜佛軀
彈指劫灰長現世點頭
頑石亦通禪藏來竟比兼金貴磨出當成兩鏡圓
多少娥臺珠柱倒斷釘殘瓦臥秋煙

覺生寺大鐘

明永樂間鑄萬歷間從經廠移
置萬壽寺乾隆八年移覺生寺

靖難兵銷鑄大鐘蒲牢長吼梵音中
銅花竟隱華嚴偈金字
應銘戰伐功懺佛何曾除殺運應霜
猶自動悲風景王心疾
嗟誰識榆木川頭下梓宮

姚少師影堂

在崇國寺後姚廣孝
像露頂袈裟跏趺坐

形如病虎目生芒何物胖僧臆景堂
曾是黑衣稱宰相竟將
白帽奉藩王英姿只許凌煙畫遺像
難同滿月光老佛金容
誰更寫江湖影落恨茫茫

慈壽寺九蓮菩薩像

九蓮菩薩孝定皇后夢中授經者也覺而一字不遺旋作

慈壽寺建九蓮閣塑菩薩像跨一鳳而九首相傳菩薩爲孝定前身也又長椿寺有黃綾裝軸繪九

朵青蓮花題曰九蓮菩薩之位西孝定也今無存

霧閣雲窗事杳冥天龍猶護鳳皇翎
星城舊愛璇宮住鹿女常遮翠輦停
不是降生吞玉勝誰能入夢授金經
長椿寺裏黃綾軸也現蓮花九朵青

刑部楊忠愍公手植榆

在北

西曹榆樹籬空階傳是容城舊手栽
殘莢多年辭雨露孤根萬古敵風雷
元同正直祠前柏不比婆娑府下槐
棘木冤霜今久散暮蟬猶自抱枝哀

題紅拂圖二首

可憐富貴逼人遲餘氣尸居復幾時
回首侯門歌舞伴沈香

塵裏葬蛾眉

絕代才兼絕世情
英雄兒女盡輸卿
剪燈記讀虬髯傳
片月當窗照膽明

除夕呈澹思進士雲墅儀曹

客味如茶蓼殘年各自知
借花迎令節分酒祭新詩
利市求何益癡猷賣已遲
圍爐相煖熱坐到打鐘時

辛亥

正月初五日雲墅儀曹巢雲外墅消寒弟六集太平

鼓聯句二十韻

條風三日暎

聘

春意六街盈
未踏繁燈影

友亮

先傳疊鼓聲

宣和遺舊式

有聲

汴水肇嘉名
取象侔皇極

鳴珂

聽歌譜太

平持如鼓播武

翔雲

立匪摻過衡
鑄鍊柔能繞

鳴琦

蒙皮薄

可擎連環星帶月

鈞

應候雨兼晴坎坎豐年報

元鉉

瑟瑟曲

巷鳴桐魚疑扣蜀

立猷

畫鴉苑懸正戶有吹幽樂

厚轅

人無

擊柝驚環形殊魯薛

聘

豪氣挾幽并隊逐兒童戲

友亮

棚分

忬舞情珠拋圓中節

有聲

箭激直催更戛布雷門動

鳴珂

排

山電陣傾革隨金共震

翔雲

緩與急相生著手千花落

鳴琦

當得一鏡明元音齊華籥

鈞

雅奏叶韶諷勿使三而竭

元鉉

須知九乃成通同元渾噩

立猷

奮豫本精誠竝擊康衢壤

厚

轅軒 龔許拜廢

聘

檻虎行

虎不在山虎在市弭耳蹲身檻車裏虎奴弄虎如火羊奴氣
揚揚虎氣靡手探虎口頭觸須虎龔不敢縱牙齒奴資虎力
奴得錢虎受奴役虎應聽城南春日百戲陳沐猴鬥狗何紛

紛虎爲山中羣獸尊呼風吼地千人奔可憐搖尾亦求食壯
士旁觀三歎息

消寒弟七集分咏畢吏部盜酒六韻

典午乾坤一醉鄉紛紛沈湎寄顛狂銜盃自可全真性飲酒
誰能具別腸有客窺鄰開麴室背人乘夜近糟床金波穆穆
花陰轉玉漏丁丁鳥夢長往日衣冠徒束縛此時風度少積
唐只應阮籍堪同調橫臥當盧少婦旁

消寒弟八集取古人快事效鐵厓咏史樂府十首

投大巫

河伯婦少顏色使君煩大巫入水報河伯河伯留大巫大巫
歸不得弟子三老相繼來皆無消息何爲哉河中之水清且
瀏河伯今年不娶婦

朱亥椎

夷門老監刎頸死力士以力報公子袖椎不獨殺晉鄙武安
一軍氣皆靡邯鄲城上歡呼天自古無如公子賢弱趙復存
三十年不然孝成已作降王遷異時博浪沙中報韓客一擊
還魂祖龍喚呼兩椎不多得

斬醉尉

日中射殺南山虎夜行乃逢醉尉怒醉尉權重將軍輕今尚
不行何乃故將軍數奇雖不侯他日猶能斬尉頭小人忤懷
無懲戒容之固宜殺亦快死灰曾有復燃時田甲舊事君應
知

漁陽搥

賓客坐鼓吏裸我欲罵衡衡反辱我雷霆吼怒風濤驚漁陽

三搗聲復聲狂生鼓音何不平鼓音不平丞相且聽

除三害

長橋青骨蛟南山白額虎凶強更有周家處三害不除鄉里
苦處也聞之背欲裂上山刺虎空虎穴入水斬蛟蹀蛟血改
行自立千秋節快哉三害一時絕吁嗟乎虎有爪牙蛟有濤
波人不濯磨奈蛟虎何

集翠裘

集翠裘嬖倖服之從宴遊紫紵袍大臣服之拜冕旒以裘對
袍臣所羞聊供六博爭三籌褫裘徑出宮門去笑喚家奴以
賜汝六郎低首御牀前面似蓮花汗如雨

周興甕

畫地莫畫獄刻木莫刻吏衛鞅以來人苦畏焉知作法還自

弊垂拱新開例竟門銅匭許告來紛紛羅織一篇條貫密萬
家冤血流覆盆牛頭阿婆刑器重謀反亦被他人訟快哉刺
盾卽用矛有狀推兒請入甕一朝南竄遭橫戮仇家仍瞰俊
臣肉天道好還如轉軸君不見甯成破滅溫舒族

太白辭

天子猶容學士醉餘人誰當先生意妃子捧硯臣則榮將軍
脫鞬臣乃戲不令公喜翻令公恥漢宮袖水激怒妃子可憐
飛燕倚新妝天子棄屣辭咸陽馬嵬玉骨泥中朽錦鞬卻歸
老嫗手

章臺柳

章臺柳青青樹韓君平來何暮妾屬沙吒利郎隨侯節度掩
淚輜駟中相看北行路許虞候古押衙我能致之君莫嗟佩

雙韃從一騎昂昂直造沙吒第將軍中惡名夫人頃刻紅妝
騎馬至楊柳枝猶依依相思相憶經幾時如今始敢高聲嘯
告節度奏天子沙吒吞聲復心死快人快事那有此

錢唐弩

錢唐潮奔白馬錢王弩迎潮射風雷失勢魚龍怕潮來不敢
近城下吾聞子胥倒行而逆施役使海若驅馮夷隨流揚波
山欲飛錢王乃以人勝之亭中鐵箭高如柱英雄餘氣震千
古秦皇射魚未足數況乃夫差水犀弩

春遊雜詩五首

小別江城近一年欲緘鄉夢報癩仙尋春只見春前雪冷落
騎驢孟浩然

燈市無燈月出遲橋遊已負上元時白雲觀裏作燕九中有

神仙知不知

碧油幢引高軒過紅燄竿牽矮馬來尋得遊人稀處立始知
羅綺在塵埃

御柳搖風早燕來玉河堤上望瀛臺時波照我清於鏡太液
輕冰昨夜開

白桃一樹豔西鄰紅杏東牆亦自春夜半月明風露冷花間
誰是惜花人

題家槐亭秀才

毓秀

紅橋扶杖圖

江湖散人困俗網林壑經年牽夢想匏尊野老來敞門袖貯
雲嵐入簾幌君昔結廬玉泉側昆明一碧平如掌蓮東乃有
長橋橫柳外時聞孤櫂響躡履行吟意最愜披圖指似神猶
往金椎驛路五千里紫陌游塵足十丈今於几上見蓬瀛洗

滌煩襟頓蕭爽天開瓊島傍玉京風景人間自無兩此境何時君再遊相期借我葛陂杖

栽柳三首

主人市髡柳列植書齋前上無黃金條下無青玉根經旬稍晴燥春意殊索狀願言乞雨師布雨彌田原分膏及此柳不日當華鮮開窗睇濃雲龍從停高天

長安道秀柳扳折何離披四株植階下託地幸其宜物生寡自遂灌溉當及時本根倘未固雨露無由施隔牆有高樹睨睨鳴黃鸝靜言揆至理拂拂東風吹

成絲復作絮佳蔭垂中庭所望固非奢事理恒無憑樹木計十年客居難久停松柏負勁姿或遭蕭斧刑况茲柔靡質詎保遂其生剪紅挂樹端祝樹秀且榮

雨後槐亭遣人送櫻桃花賦荅

小齋昨種楊柳樹一夜廉纖雨不住
丈人今贈櫻桃花晴蜂宛轉窺窗紗
欲與茂卿同置酒翻驚太白未還家
去年春暮餘杭道滿市筠籠堆瑪瑙
雪綴雲裝又幾枝客中春恨知多少

萬柳堂脩禊圖一百韻爲槐亭題

并序

元廉希憲萬柳堂在京師右安門外與草橋相近今所圖乃國朝大學士益都馮溥別業亦名萬柳堂在廣渠門內康熙時開博學鴻詞科待詔者嘗讌集於此後歸倉場侍郎石文桂旋施爲寺聖祖賜額曰拈花禪寺乾隆壬申遼東李鴈靑招詩人修禊寺中槐亭與焉寧邸秋明主人聞之攜酒肴歌吹來會共二十有二人並有賦咏洵昇

平之盛事賢王之謙節也槐亭彙錄詩文成卷屬石星源
寫圖合度後四十年辛亥三月出以示余索題

洛水流杯初濫觴金人獻劍秦昭王秉簡躡柳爭春陽翰墨
如山溢縹囊蘭亭繭紙騰精芒千秋稷節從此彰元默涸灘
屈青章長安勝會尤不常拈花寶刹菩提坊舊是元老平泉
莊當年煙雨萬垂楊名與野雲相韻頽種柳人去柳絲長蓮
塘花鬢啼寒蟹石家金谷旋復荒主人乃是旃檀香是日天
朗風日昌燕郊士女踏青忙羣賢清袂集禪房酒龍詩虎交
騰驤騷壇旗鼓迎

天潢綠車青蓋來上方月支寶馬紫絲韁鳴鑾佩玉聲瑤瓊
愛士虛懷勢分恣下與野客同相羊攜來香苒新旗槍雪乳
雲腴分蓋嘗行廚絡繹羅酒漿屢割駝峯截鵝肪珍粢屬糜

醉檳榔金猊煙裊燒綠洋晴雲縹緲紫衣裳小部清歌聲繞
梁仙風泠泠韻笙簧繁音欲歇仍鏗鏘瑤星晃朗冰絃張嵇
老動操調宮商神遊太古鴻來翔二十二人迴繡腸一時墨
瀋紛淋浪或唾珠玉當風揚或鼓波浪成湖江或掄金石流
新腔或爲韶女簪花妝東壁西壁鳴雷碾楊花如雪飛松窗
迦陵仙鳥亦相慶翟墨欲下帥子牀翔陽晚晚樂未央鸞鸞
新月蛾眉黃齊起祝王壽而戚豈減宋景從楚襄不數小山
叢桂芳緬昔待詔諸賢良曾於此堂傾玉缸西河一賦誇擅
場嘉禾太史記特詳襍序還說陳髯狂墨花豪采時無雙爾
來消歇數十霜復見岐山鳴鳳皇風流前後遙相望詰朝盛
事播

帝邦後四十年猶輝煌就中一老未殲唐金臺碩士疎眉龐

綠槐門巷富青箱當時意氣殊激昂綠衣年少烏衣郎屢會
玉帛爭麾幢其人其地身所當坐恐雲散風景涼古綃數尺
并寫將紅玉爲籤軸錦裝裱集詞賦球琳瑯畫圖詩卷久珍
藏攜來語我神慘愴會中卷裏人琴亡獨存賣藥之韓康槐亭
自號賣藥翁回頭雲海空茫茫乞我作詩志其旁披圖我亦爲感
傷嗟乎人事多滄桑珠闌玉楯餘積牘文章仍自分彭殤幾
人彊立幾人僵比之仙佛皆黃梁最可眷戀唯時光良辰一
失難復償我生年已二十強身不山林不廟廊經年坐對西
山蒼江南垂柳春成行絮飛春盡未還鄉人生浪遊誠不祥
塵纓欲濯無蘭湯心有萬斛愁難量願隨春柳風中颺何日
攜尊萬柳堂

浴佛日書懷

言志詩集卷之二
三
一天花雨病維摩坐放濃春潦草過千佛真身誰現在三生
慧業定如何瓠茄入市邨傭早櫻筍登厨醉客多舊說
帝京饒景物冶遊今日趕秋坡

夏日過槐亭小飲卽席紀興

君爲昌國裔我亦戴公孫同姓分南北忘年作弟昆日長花
影慢亭古石容尊史事三千載銜盃得暢論

得吳茗香太原書卻寄

懷人有夢夢無鄉五月音書下晉陽燕約已違春社久蟬移
應就午陰涼問驅匹馬離虞坂卻望瓜雲傍太行一樣天涯
何地慣長安要是看花場

苦熱二首

火雲如織晝停天闕地牀冰未敢眠飲酒何心分魯趙吟詩

無氣敵幽燕新荷水淺擊焦葉枯樹苔乾發細煙依託貴人
終不耐生來骨相稱林泉

窗拓簾垂日苦長清晨迢遞到昏黃鴈傷獨影避新月蟬縱
繁聲喧夕陽過從每愁冠冕客逍遙難問水雲鄉故園茆屋
松棚下正有閒人話晚涼

喜雨

黑雲突兀撐晴空旱魃蹙縮逃清風雨勢彌天蓄未落纖塵
不起煙濛濛燕郊萬人仰首歎惜無壯士鞭羣龍造物好奇
了莫測夜喚阿香推雷公直瀉天河作簷溜家家朝食談年
豐我

皇誠敬格蒼昊應禱乃與桑林同瑞禾嘉穀齊堅粟竝有餘
潤分庭松膏澤渥流弗泛濫移時東陸朔天弓家雖無田且

在客頗念稼穡傷農功人生快意豈自爲況乃毒熱消簾櫳
往日未登高閣望

帝京佳氣原蔥蔥

聞蟬

萬綠屯煙經雨洗南風吹陰落窗裏畫閒背手看簾波嘒嘒
鳴蟬聒雙耳猿啼落月鴈叫雲不是有心會不聞庭院無人
孤草動蟲聲昨夜入秋夢

渡河詞三首

悄悄西風渺渺波雙橫玉筍瀉明河洗車昨夜滂沱雨不及
今宵灑淚多

明河萬古水盈盈迢遞終年片刻情青鳥赤龍俱不發白雲
明月總無聲

片月西沈碧海秋，人間好夢正悠悠。夜深幾點歸鳥影，飄墮誰家乞巧樓。

送家固坪廣文恒自太學歸彌勒二首

阮家南北幾時分，君住阿虛我舊邨。

固坪之先自我族遷彌勒已十世

萬里

燕臺傷馬骨，千年慈竹見龍孫。

先子政公嘗種慈竹于庭作慈竹詩以訓子孫

槐市花三發，引恨旗亭酒一尊。此去直趨天盡處，盤江風雪

到籬門。

曾訪城南賣藥翁。

謂槐亭八兄

戴公華胄各飄蓬，又看太學何蕃

去。誰共長安賈島窮，小草在山成遠志，閑雲出岫逐輕風。歸時父老談邦族，爲道生涯處處同。

得王巖山先生書

鶴鶴難借上林枝，又是長安落葉時。郵驛書憐經歲斷，江湖

心喜丈人知獨慙奉母非毛義安望生兒類袁師

書中報余次子生甚

聰秀風雨塵埃身自惜敢忘公誦放翁詩

和東坡四時詞

夜來小雨迎風落一剪輕寒透羅幕樓頭楊柳尚含煙檻外
桃花齊破萼繡被朦朧香壓肌間鬢鶯語知呼誰今日新晴
天白暝先教侍女減羅衣

裊裊游絲和畫永簾波滿地爐香冷魚戲紅蕖水閣涼蟬鳴
碧樹煙樓靜眉帶波斯綠黛頰玉肌無汗粉痕勻偶揮羅扇
隨蝴蝶鷓鴣隔花遙喚人

金井梧桐煙不絲藤蘿新月透疎竹謝家棲燕欲辭巢秦氏
歸鳥啼上屋桂苑西風小閣扇露涼如水浸空庭紅蕖枕上
相思夢懊惱牙籠蟋蟀聲

日暮凍雲垂兩角當階雲母屏風薄鴛鴦瓦上暗霜多玳瑁
簾前枯葉落晚妝愁見鬢堆雅孤鏡誰知臉蠹霞夜久薰籠
香炭冷手撚雙帶看燈花

籠鳥行

籠中鳥不奮飛身生兩翼將何爲日食主人一握粟使爾毛
羽空離披天青海碧風漠漠黃鵠西來破寥廓亦有斂翅松
間鶴白露蒼苔自飲啄雄雞挾雌傍籬落鼓翼向人聲膈膈
奉送覃溪先生提學山左

紫薇花笑絲綸閣五色芝泥天上落武庫青霜出右垣文昌
紫氣連東嶽海右古亭天下知山東長句誰能爲杜老已無
膏馥在謫仙空有機杼遺秋風淨埽明湖水先生往住鏡光
裏持論或采新城王主盟寧數滄溟李齊魯諸生迎使車明

年桃李多新花倘得古碑同魯峻乞緘奇字寄侯芭

九日

閣公飾意憐王勃孫盛狂言謂孟嘉嬾與登高人縱酒怕聞
同里客還家關心近事唯霜信對面良朋祇菊花日暮徘徊
東閣下天南何處是龍沙

喜袁蘅臯同年傳箕至

朔風曉猶勁簾幙透霜氣落葉響空階故人鄉縣至夙昔青
雲侶同心各異地寒林巢烏雉野草啼絡緯關絕咸經年尺
書不得寄一朝尋故歡豈曰非夢寐子歸我所慕子來我不
意傑士宜爭名野人在適志同看天上雲出處兩難遂

次韻寄荅癡山先生

一身淪落負清時骨相才華兩不奇詞賦有人輕庾信科名

無夢替劉滋濠梁萬里傳詩筆漢史經年曠酒卮野鶴孤飛
巢未穩月明空念歲寒枝

秋懷六首

家書才附運租船羊角憑誰訪洞天
酌酒荆卿屠狗市驚心
趙昱斬蛟年玉河水闊飛閒鳥
金井風多咽斷蟬城北城南
礎杵急客愁都在搗衣篇

晴窗偶爲看雲開平挹西山爽氣來
白鴈帶霜還碣石蒼鷹
逐日下金臺衣冠名譽無虛士
館閣文章要異才料理此身
稱小隱柳條稀處望蓬萊

草偃林空七萃陳年年講武趁時巡
雲連玉塞開熊館露薦
金盤宴鴈臣

王會日中無內外

帝恩天覆自尊親揚雄底事耽書閣不賦長楊獻

紫宸

鯉魚風起澹斜陽章杜城南又蚤霜桐樹老敲千尺幹菊花
寒賸一分香秋鏡說鬼消殘夜節物隨人變異鄉負米便歸
猶未得那煩詹尹卜行藏

晉公甲第與城齊秦氏高樓大道西烏雀亂喧臨水檻塵埃
遙蔽入雲梯貴人閒暇調生馬公子雄豪義門雞行樂正須
身外物雙眉何事爲心低

牆草離離俯澗松劍縱琴軫伴孤蹤馬卿慷慨空題柱沙穆
窮愁且賃春吳楚路長通一水衡廬山好帶諸峯故園幽竹
應相待夜夜凌風夢蘼龍

對雪憶宋澹思都監宋亾己六月矣

獨客當寒夜懷人記往年擁爐常命酒刻燭又分牋舊曾館塵
封榻疏窗雪滿瓊戴逵如未死應放剡溪船

除夕見唐花

頃刻花開千萬枝人工奇幻奪天時春風自有真消息除却
江梅總不知